

Фитрат аҳли ҳақида келган нарсалар

05:00 / 13.03.2017 2974

Фитрат аҳли икки пайғамбар даъвати орасида яшаб ўтган кишилардир. Улар ўзлариға даъват етиб бормагани учун ҳеч қайси пайғамбарга иймон келтирмаган ҳолда ўлиб кетгандар.

Аллоҳ таоло: «**Токи, Пайғамбар юбормагунимизча, азобловчи бўлган эмасмиз**», деган (Исро, 15).

Яъни, «Инсонга ўзига берилган ақл, фаросат билан дунёдаги қудратимизга, ҳолиқ ва мудаббир, розик эканлигимизга далолат этувчи мўъжизалардан хулоса чиқарган ҳолда тўғри йўлни танлаб, Бизга иймон келтириб, ибодат қилишни фарз қилишга, агар у бажармаса, жазолашни жорий қилишга ҳаққимиз бор эди. Аммо бундай қилмадик. Бандаларимизга раҳм қилдик. Мазкур нарсалар устига яна огоҳлантирувчи, эслатувчи Пайғамбар юборишни ҳам ирода этдик. Пайғамбар огоҳлантиргандан кейин ҳам иймон ва Ислом йўлини танламаганларни азоблашга, Пайғамбар ва унинг даъвати етмаганларни эса, азобламасликка қарор қилдик».

Демак, фитрат аҳларини ҳам Аллоҳ таоло у дунёда азобламайди. Чунки улар пайғамбар юборилмаган қавмлар қаторидадирлар.

Анас розияллоҳу анҳудан ривоят қилинади:

«Бир киши:

«Эй Аллоҳнинг Расули, отам қаерда?» деди.

«Отанг дўзахда», дедилар.

У одам ортига қайтиб кетгандан кейин у зот:

«Албатта, отам ва отанг дўзахдадир», дедилар».

Шарҳ: Пайғамбар алайҳиссаломдан «Отам қаерда?» деб сўраган одамнинг исми Абу РАЗИН бўлган. Уламоларимиз: «Пайғамбар алайҳиссаломнинг «отам» деганларида кўзда тутилган шахс - Абу Лаҳаб», деганлар.

Абу Лаҳаб Расулуллоҳ соллаллоҳу алайҳи васалламнинг амакилари бўлган ва дўзахга кириши аниқ бўлган шахсадир. Арабларда «Амаки ота ўрнида», деган гап бор. Пайғамбар алайҳиссалом ушбу ҳадиси шарифдаги гапни ана шу эътибордан айтганлар. У зотнинг наслий оталари Абдуллоҳ фитрат аҳлидан бўлганлар ва жаннатга тушишига жумхур уламолари иттифоқ қилганлар.

Омир розияллоху анҳудан ривоят қилинади:

«Набий соллаллоху алайҳи васаллам: «Воида ва мавұҳда дўзахдадир», дедилар».

Иккисини Абу Довуд ривоят килган.

Шарҳ: Воида — кичик қизни тириклай күмиб ташловчи аёл. Мавұҳда — тириклай күмилган қиз. Зоҳирдан тириклай күмилган қиз ҳам дўзахга тушиши англаниши мумкин.

Лекин уламоларимиз бу ҳадиси шариф ҳақида бошқача маъно айтганлар. Уларнинг фикрларича, Воида — кичик қизни тириклай күмиб ташловчи доя аёл. Мавұҳда — ўша қизни тириклай күмишга рози бўлиб, бу ишда дояга ёрдам бериб турган она.

Зайд ибн Собит розияллоху анҳудан ривоят қилинади:

«Набий соллаллоху алайҳи васаллам Бани Нажжорнинг боғида ўзларининг хачирларини миниб борар эдилар. Биз у зот билан бирга эдик. Хачир у зотни олиб қочиб йиқитиб юборай деди. Қарасак, тўрттами, бештами, олтитами қабр турибди.

«Манави қабрларнинг эгаларини ким билади?» дедилар.

«Мен», деди бир киши.

«Улар қачон ўлганлар?» дедилар.

«Ширкда ўлганлар», деди.

«Албатта, бу уммати муҳаммадия қабрларида синовга учрайдилар. Агар дафн қилишдан бош тортишингиз бўлмаганида, Аллоҳга мен эшитиб турган қабр азобини сизларга ҳам эшиттиришини сўраб дуо қиласадим», дедилар».

Муслим ва Абу Довуд ривоят қилишган.

Шарҳ: Демак, ширкда ўлганлар дўзахга тушадилар. Демак, қабр азоби ҳақ ва уни эшитган бандалар дафн этилишдан бош тортадиган даражада ундан қўрқадилар.

Жумхур уламолари иттифоқларига биноан, Ислом даъвати етмаган кишилар ҳам «аҳли фитрат» дейилади. Даъват етмагани учун уларни кофир, деб ҳукм чиқарилмайди. Дўзахга тушишлари ҳақида ҳам ҳукм қилинмайди. Улар «фитрат аҳли» деб номланадилар ва қиёматда дўзах азобидан нажот топадилар ва бошқа жонзотлар қатори тупроққа қоришиб кетадилар.